

By this Observation the Beginning differed not $\frac{1}{2}$, and the End not $\frac{1}{2}$ a Minute from Dr. Halley's Computation, which he sent me the Day before. And if his Computation, which was made for Greenwich, had been reduced to the Meridian of London, the Difference would have been still less.

The same Eclipse was observ'd by Mr. Hawkins at Wakefield, in Yorkshire, to begin at 1 h. 21 m. p. m. and to end at 3 h. 30 m. 3 $\frac{1}{2}$. The Sun's Diameter was obscured somewhat more than 5 Digits.

III. *De Particulis & Strueturâ Adamantum. Epistola Domini Antonii Leeuwenhoek, R. S. Soc. ad Jacobum Jurin, M. D. R. S. Secret.*

POstquam investigando compereram Metalla quædam, & ipsas etiam Arenas ex perexiguis ejusdem materiae particulis compositas esse, meditacionem meam converti ad Adamantem; scilicet num ille etiam ex istiusmodi constet particulis, quæ quidem ope microscopii confspici possint.

Igitur exiguum quendam Adamantem per microscopium contemplatus, in eâ Adamantis parte quæ polita non erat, & splendore carebat, complures particulæ oculis observavi; & Adamantem ex parvis particulis compositum esse comperi. Verum cum nondum mihi satisfacerent; Adamantem in frusta confringere decrevi, ut illum in fragmentis suis considerarem.

Ergo Adamantem, malleo impositum, alio malleo fémel iterumque percussi, qui sic percussus in quatuor aut quinque frusta dissiliebat. Quod cum rondum mihi satisfaceret, & Adamantem in exiguissimas miculas comminuere vellem; frustum, quod cæteris majus

K k 2

erat,

erat, dupli chartâ circumvolvi, ne quæ Adamantis miculæ diffiliendo perirent.

Hic ego duritiem Adamantis admiratus sum : qui multâ vi aliquoties ictus, in quatuor tantum aut quinque frusta sine ulla miculis diffiliebat—

Posteriora ista Adamantis frustula microscopio etiam admovi: quæ cum perspecularer, pene omnia ex minutissimis particulis composita esse compéri. Cum autem frustula illa radiis solaribus objicerem: quandam quasi flammulam ex iis emicare videbam, & quidem majorem, quam unquam vidisse.

Frustulum unum oculis notabam, quod locum fracturæ suæ, planæ quidem ac quadratae, soli directe oppositum habebat: qui locus, quantum visu dijudicabam, tribus aut quatuor pilis menti virilis latitudine respondebat.

Ex hoc Adamantis frustulo tanta ascendebat copia ardescientium flammularum, ut plures esse numero quam quadringentas judicarem. Flammularum istarum nonnullæ, sed numero paucæ, sibi erant vicinius junctæ, & reliquis majores: unde concludebam, ipsas Adamantis particulas illic etiam aliis particulis majores esse, vel ordinatius esse dispositas.

Exinde oculos converti ad aliud Adamantis frustum, paris circiter magnitudinis cum priori, quod radios solares itidem directe excipiebat; & haud paucioribus exiguum molis particulis constare comperebam. Ex unâ frustuli illius parte eaque circiter dimidiata, species illæ ardescientium flammularum etiam exoriebantur, sed mole minores: in altera medietate flammula quædam cernebatur, assidue se mobilitans, cum continuâ quadam coruscatione, quæ speciem habebat debilioris fulgetri.

Cæterum, postquam ista Adamantis frustula radiis solaribus subduxeram, adhuc multiformes rerum species

cies oculis meis objiciebantur. Inter alia, ex singulis Adamantis particulis flammula quædam in altum emicare videbatur.

Porro, novem præterea Adamantis frustula microscopio applicata habebam: & in eorum septem particulas illas agnovi, quas speciem flammularum ejaculari dixi. In duobus aliis etiam particulas illas agnosce-re poteram, ex quibus Adamantem compositum esse statui: sed illæ planitiem suam ita soli obversam habe-bant, ut plures eodem tempore particulas digno-scerem.

Mihi autem per amænum erat spectaculum, tot intueri imagines flammularum, quæ omnes colorem præferebant coruscum, & pleræque viridantem. Istud au-tem insolens mihi visum est, quod ad flammularum qua-rundam extremitatem talis perciperetur in aere motus ac vibratio; tamquam si flammula adeo illic debilitata foret, ut conspicua esse desineret. Præ cæteris autem admirabar, quod ex tali Adamantis particulâ circumqua-que ignis exiret, debiliter rutilans, sicuti cum fulmen e longinquo coruscare videmus. Quod quidem tam cre-bro intuente me accidebat, ut oculos avertere non possem, nisi jam fatigatos.

Verum tam jucundo spectaculo saepius frui decrevi, & frustum istud Adamantis, donec sponte a vitro decidat, microscopio applicatum relinquere. Neque enim ope glutinosæ alicujus materiæ affixum est vitro: nisi quod vitrum, antequam illi frustum Adamantis affigerem, humore anhelitus mei irrorasse.

Cum tam grato spectaculo solus frui non vellem; quæ modo relata sunt, legenda tradidi cuidam N. cui & microscopium in manus tradidi. Cumque post aliquantum moræ requirerem; nonne omnia descrip-tioni meæ convenire comperiret; ille prorsus con-venire respondit, & admirationem suum super specta-culi insolentiâ confessus est.

Porro,

Porro, cum frustulum quoddam Adamantis adhuc microscopio applicatum esset, cuius particulas, lamellarum modo sibi incumbentes, visu dignoscere poteram; haud abs re me facturum putavi, si lamellas istas delineari curarem, quæ hic in iconæ 1 denotantur per A B C.

Deinde & aliud Adamantis fragmentum microscopio applicaveram, cuius lamellæ, invicem superstratæ, fæse oculis meis distinctissime offerebant; quæ hic in iconæ 2 designantur per D E F G H I K L M. In hac autem figurâ particulæ illæ sive lamellæ, quæ per F G, F H, F I, F K, & L denotatae sunt, reliquis aliquanto crassiores esse videntur: verum istæ particulæ ex pluribus lamellis, invicem superstratis, sunt compositæ. In istâ vero fragmenti parte, quam inter D E F M exprimendam curavi, distinctissime apparent tenuissimæ lamellæ, ex quarum congerie totum Adamantem concretum esse pro certo habendum est.

Priusquam secundam iconem in chartâ exprimendam curaveram; forte celebris Gemmarius, *N. Verbrugge*, ædes meas præteribat, quem ego ad convisendum Adamantis fragmen, sicut microscopio applicatum erat, invitavi. Ille fragmen istud non sine admiratione contemplatus, quasdam se Adamantum glebulas, quæ sibi inutiles essent, mihi missurum recepit.

Nec multo post bina mihi mittit Adamantum fragmenta: item exiguum Adamantem, ex arte quidem politum, sed sordidum, uti vocant, seu vitiosum.

Cum singula singulis microscopiis applicasset, primo fragmentum istud, quod in *Fig. 3.* per N O P Q R denotatum est, delineandum curavi. Lineolæ, quæ per totum hoc fragmentum excurrunt, revera non sunt nisi lamellæ, ex quibus Adamantes constare modo dixi: & apertius conspicendas se præbent ad P Q.

Cæterum ut eorum, quæ de hâc Adamantis glebulâ, sive frustulo, jam dixi, clarior atque distinctior sit perceptio ; frustum istud eadem prorsus magnitudine exprimi jussi, quam nudo delineatoris oculo, sine microscopii ope, offerebat : quæ vera frustuli magnitudo, in iconæ 4, exhibetur inter ST. Istud autem tantillum frustum ex tam multis tamenque exiguis particulis compositum est ; ut qui non viderit, capere haud possit.

In altero Adamantis fragmento, quod ejusdem propriodem magnitudinis erat, lamellæ dignosci poterant : & pars illius circiter quinta constabat quinquangulo tam polito, tamquam si ex arte lœvigatum fuisset, nisi quod illi affixus esset perexiguus Adamas, qui circiter quartam quinquanguli partem obtegebatur ; & uti clare visu agnoscebam, etiam ex lamellis, sive particulis lamellarum formam habentibus, concretus erat.

Quantum ad perexiguum istum Adamantem ; illum quidem ex arte politum, sed fôrdidum seu vitiosum esse dixi : fôrdidos enim vocamus, dum vel subflavi sunt, vel rimis aut lineolis deformes : quamvis nonnullæ hujus Adamantis rimæ atque lineolæ nudis oculis conspici non possent ; imo, adhibito etiam microscopio, visum pene effugerent.

Exiguus hic Adamas erat quadrangulus : prope unum istorum angulorum, intra ipsum Adamantem, varias vidi particulæ ab invicem sejunctas ; nisi quod aliquantulum sese attingere viderentur, quod initio insolens mihi visum est. Particularum istarum maxima coloris erat subflavi, & altero circiter latior quam crassior : nec splendore cedebat vitro. Reliquis particulis variæ erant figuræ ; nonnullis etiam par splendor ac primæ : nec pauciores esse judicabam quam viginti ; licet delineator tantum numerum non expresserit.

Iste conspectus hanc mihi persuasionem induxit; quo tempore materia, Adamantum productrix, vagabatur in aëre; exiguae illas particulas, quæ itidem Adamantes erant, priori quem dixi Adamanti adjacuisse: materiam autem adamantinam, quamdiu talis materia aëri infudit, istam Adamantum congeriem paulatim circumvestiisse, & minores Adamantes inclusisse majori.

Qua occasione recordor complures me habuisse Crystallos montanas figuræ sexangulæ: in quarum nonnullis quasi inclusæ jacebant figuræ quædam perexiguæ & oblongæ, coloris subcœrulei; sed tam exiles ut, adhibito etiam optimæ notæ microscopio, vix agnoscit possent.

Porro istius Adamantis, quem vitiosum appellavi, veram magnitudinem delineari curavi: quam in iconæ 5 expressam habes inter V & W.

Deinde & perexiguos istos Adamantes, qui in majorem Adamantem inclusi exhibentur in iconæ 5, seorsum delineandos curavi; quos in iconæ 6 designatos vides per XYZABC. Ubi per XYZ denotatur exterius Adamantis latus, quod licet ex arte politum, ope tamen microscopii conspectum, colorem tam fuscum præferebat.

Per ZABCDE isti denotantur exilissimi Adamantes; quos in majusculo Adamante velut inclusos latuisse præmonui.

Cum postea latus Adamantis in iconæ 5 expressi, cui longe minores Adamantes inclusos fuissent mox dicebam, ad microscopium admovissem, Adamantem istum variis foraminibus pertusum esse comperi; quæ ego foramina tunc facta esse censui, quando latus illud poliebatur. Ita nimirum ut exiguissimi, quos dixi, Adamantes loca illa prius insederint, sed poliendo delapsi foramina illa sive puteolos produixerint, quæ foramina in iconæ 5 conspicua sunt inter FGH.

Porro

Porrro exiguum illum Adamantem, inter V W in iconē 5 expressum, in latus suum verteram ; & ubi crassiusculus erat, novaculum illi aptaveram, ut Adamantem ipsum iētu mallei diffinderem : quod tamen, licet iterato tentanti, non successit.

Quare Adamantem chartā mundā circumvolutum, imponebam malleo ; & alio malleo, crebrius tamen feriendo, diffregi. Postquam omnes diffracti Adamantis glebulas diversis microscopiis applicaveram ; unam, quæ plures quam reliquæ lamellas oculis exhibere videbatur, delineatori effingendam tradidi, quæ in iconē 8 denotatur per I K L M. Haud tamen possibile delineatori fuit eādem perfectione glebulam illam exprimere, quâ fese oculis conspicuendam offerebat.

Cum autem microscopium, cui frustulum illud iconis 8 applicatum erat, diversum esset ab iis microscopiis, quorum ope alia Adamantis frusta delineari curaveram ; Delineator postremum hoc frustulum eā magnitudine expressit, quam sine microscopio conspectum oculis offerebat : quæ vero frustuli illius magnitudo in iconē 9 exhibetur inter N O.

Quædam ex his Adamentum fragmentis, ope microscopii considerata, jucundos præbebant conspectus : quos etiam nonnullis, talium rerum studiosis, exhibui. Illis autem jucundissimum erat, in uno Adamantis frustulo tam multiplices agnoscere partes : imprimis etiam quod lamellæ, ex quibus Adamantes concreti sunt, in duobus Adamantum frustulis valde distincte possent internosci ; nempe dum lamellæ istæ juxta ductum longitudinis oculis objiciebantur.

Exinde studium meum converti ad examen Crystalli cujusdam montanæ, sex lateribus præditæ, cuius longitudo circiter respondebat latitudini duorum digitorum, crassitudo vero minori dito.

Crystallum istam in complura frusta confregi, & frusta microscopiis applicavi; disquirere volens num & illa ex superstratis sibi lamellis composita essent: quâ ratione Adamantes magnitudinem suam adeptos esse dixi. Sed, tametsi perquisitionem istam sæpius iteraverim, ne tantillam quidem lamellam in iis deprehendi. Istud autem in Crystallis, quas quidem præ manibus habebam, plerumque animadverti, in omnibus earum lateribus, quæ numero fera erant, transversas protendi lineolas, alias aliis situ aliquantulum superiores; tamquam si illic, increcentibus Crystallis, ortæ productæque fuissent: quâ super re, quantumcumque Crystallorum numerum ante consideraverim, atque confregerim, numquam ipse mihi satisfacere potui.

Delphis in Hollandiâ,
Nov. 20. 1722.

IV. *An Account of an Optical Experiment made before the Royal Society, on Thursday, Dec. 6th, and repeated on the 13th, 1722. By the Reverend J. T. Desaguliers, L L. D. F. R. S.*

SIR Isaac Newton, in his Optics, (*B. I. Prop. I. Exp. 2.*) relates an Experiment made with a Card, or Paper, painted red on one half and blue on the other, which being enlighten'd by a Candle, the Image, by the Interposition of a *Lens*, is so projected on a white Paper, held on the other side of the *Lens*, that the Place where the blue half appears distinct, (or as the Opticians term it, the distinct Base of the Image of the blue half) is much nearer to the *Lens* than the Place of the Image of the red half. And this is made apparent

Philos

FIG.I




FIG.II.




FIG.III.




FIG.IV.
S&T

FIG.V.
VOW

FIG.VI.





FIG.VI.



Philos. Trans. N^o 374.

FIG. VIII.




FIG. IX.
N^o 9







FIG. XII.



J. Sturz sculp.

FIG. I.




FIG. II.




FIG. III.




FIG. IV.
S&T



FIG. V.



FIG. VI.




FIG. VIII.

FIG. IX.
N&O





FIG. XII.



FIG. XIII.

